

Սպառողական վարկ ստանալու համար հաճախորդների կողմից պահանջվող փաստաթղթերի նվազագույն ցանկ

Վարկառուն պետք է սպառողական վարկի համար դիմելու ընթացքում վարկատուին ներկայացնի հետևյալ փաստաթղթերը.

- Անձնագրի պատճեն,
- Սոցիալական ապահովածության քարտի կամ հանրային ծառայությունների համարանիշի պատճեն (առկայության դեպքում),
- Անուսնության վկայականի պատճեն (առկայության դեպքում),
- Ծնողի(ների)/Երաշխավորի(ների) անձնագրերի, սոց. քարտերի կամ հանրային ծառայությունների համարանիշի պատճեններ (առկայության դեպքում),
- Տեղեկանք վարկառուի զբաղվածության վերաբերյալ¹,
- Տեղեկանք վարկառուի և երաշխավորների եկամուտների վերաբերյալ (առկայության դեպքում),
- Տեղեկություններ վարկառուի և երաշխավորների վարկային պատմության վերաբերյալ (առնվազն ԱՔՌԱ վարկային բյուրոյի կողմից տրվող վարկային զեկույց),
- Վարկի գումարի համապատասխան փոխանցումը հաստատող փաստաթուղթ,
- Այլ փաստաթղթեր ըստ անհրաժեշտության:

¹ Յուրաքանչյուր վարկատեսակի համար զբաղվածության վերաբերյալ տեղեկանքում պարունակվող տեղեկատվության նվազագույն ցանկը ներկայացվում է այդ վարկատեսակներին ներկայացվող պահանջների մեջ:

Սպառողական վարկերի տրամադրման ժամանակ կնքվող պայմանագրերին ներկայացվող պահանջները

Վարկային պայմանագրի բովանդակությունը

Վարկային պայմանագիրը պետք է համապատասխանի ՀՀ քաղաքացիական օրենսգրքի և «Սպառողական կրեդիտավորման մասին» ՀՀ օրենքի պահանջներին և պարունակի հետևյալ տեղեկությունները.

1. Տվյալներ Վարկատուի մասին (անուն, հասցե),
2. Տվյալներ Վարկառուի մասին (անուն, ազգանուն, հայրանուն, մշտական բնակության հասցե),
3. Վարկի գումարը, տոկոսադրույքը, ժամկետը, տրամադրման և մարման ամսաթիվը,
4. Վարկառուի կողմից կատարվող մարումների գրաֆիկ, ներառյալ դրանց մեկնարկի ամսաթիվը և հաճախականությունը²,
5. Ուշ մարման պայմանների և այլ տուգանքների սահմանում,
6. Վարկատուն պետք է իրավասու լինի վարկային պայմանագրով իրեն վերապահված իրավունքներն առանց վարկառուի համաձայնության փոխանցել երրորդ անձի,
7. Վարկառուն համաձայն է, որ իր տվյալները կարող են փոխանցվել կամ բացահայտվել «Բնակարան երիտասարդներին» ՎՎԿ ՓԲԸ-ին, ինչպես նաև ՀՀ ֆինանսների նախարարությանը/ՀՀ կառավարությանը՝ վերջինիս կողմից տոկոսագումարի սուբսիդավորման դեպքում:

Երաշխավորության պայմանագրի բովանդակությունը

1. Վարկատուն պետք է իրավասու լինի երաշխավորության պայմանագրով իրեն վերապահված իրավունքներն առանց վարկառուի համաձայնության փոխանցել երրորդ անձի³,
2. Երաշխավորության պայմանագրով պետք է սահմանված լինի դրույթ առ այն, որ երաշխավորը տալիս է իր անվերապահ համաձայնությունը պարտատիրոջ (վարկային պայմանագրով վարկատուի) փոփոխության դեպքում նոր պարտատիրոջ առջև պատասխանատվություն կրելու վարկառուի՝ վարկային պայմանագրից բխող իր պարտավորությունները լրիվ կատարելու համար:

² Եթե վարկառուն ստանում է տոկոսների սուբսիդավորում, ապա մարումների գրաֆիկում պետք է հստակ տարանջատվի վարկառուի կողմից յուրաքանչյուր ամիս վճարման ենթակա գումարը և սուբսիդավորման գումարը: Յուրաքանչյուր ամսվա սուբսիդավորման գումարը հաշվարկվում է Տոկոսների սուբսիդավորման կարգի համաձայն:

³ Քաղաքացիական օրենսգրքի համաձայն, վարկատուն իրավասու է գրավի նկատմամբ իրավաբանական պահանջի իրավունքը փոխանցել երրորդ անձի՝ առանց նախապես վարկառուի համաձայնությունը ստանալու: